



REPUBLIKA E SHQIPËRISË
KËSHILLI I MINISTRAVE

PROJEKTVENDIM
(Nr. _____, datë ____ 2023)

PËR MIRATIMIN E RREGULLAVE PËR PËRFITIMET NGA SHFRYTËZIMI I
SHËRBIMEVE TË EKOSISTEMIT PYJOR, KOMPESIMI DHE PAGESAT

Në mbështetje të nenit 100 të Kushtetutës, të pikës 4, të nenit 24, të ligjit nr. 57, datë 30.4.2020, "Për pyjet", me propozimin e ministrit të Turizmit dhe Mjedisit, Këshilli i Ministrave

VENDOSI:

I. DISPOZITA TË PËRGJITHSHME

1. Ky vendim ka për qëllim të përcaktojë rregullat për përfitimet nga shfrytëzimi i shërbimeve të ekosistemit pyjor, kompesimi dhe pagesat, të cilat zbatohen nga ofruesit dhe përfituesit e këtyre shërbimeve.

2. Për qëllim të këtij vendimi, termat e mëposhtëm kanë këto kuptime:

a) "Ofrues i shërbimeve të ekosistemit pyjor", këtu e në vijim "ofruesi i shërbimit", në cilësinë e pronarit ose administratorit të ekosistemit pyjor, është Agjencia Kombëtare e Zonave të Mbrojtura, bashkia ose pronari privat i pyllit, të cilët ofrojnë shërbimet në ekosistemin pyjor, sipas parashikimeve të ligjit nr.57/2020, "Për pyjet".

b) "Pagesa për shërbime në ekosistem", ka kuptimin e shpërblimit që merr ofruesi i shërbimit për kryerjen e veprimtarive lidhur me shërbimet në ekosistem, në fondin pyjor në pronësi të tij.

c) "Përfitues i shërbimeve të ekosistemit pyjor", këtu e në vijim "përfitues i shërbimit" ka kuptimin e subjektit që ka përfituar nga shërbimet e ekosistemit pyjor të ofruara nga ofruesi i shërbimit.

c) "Shërbimet e ekosistemit pyjor", këtu e në vijim "shërbime të ekosistemit", kanë kuptimin e dhënë sipas përkufizimit në pikën 60, të nenit 3, të ligjit nr. 57/2020, "Për pyjet"

II. RREGULLAT PËR PËRFITIMET NGA SHFRYTËZIMI I SHËRBIMEVE TË
EKOSISTEMIT PYJOR

1. Shërbimet që ofrohen për përfitim në ekosistemin pyjor duhet të përmbushin kërkesat e mëposhtme:

a) të jenë në përputhje me planet e mbarështimit të miratuar sipas legjislacionit në fuqi për pyjet;

b) të jenë në përputhje me planin e përgjithshëm vendor dhe/ose planin e detajuar vendor për zonën, në rast se ka;

c) të jenë në harmoni me parimin e zhvillimit të qëndrueshëm për pyjet;

ç) të mos çënojnë vlerat dhe funksionet natyrore e biologjike.

2. Përfituesi i shërbimit që kërkon të përfitojë nga shërbimet në ekosistem, paraqet në çdo rast një kërkesë me shkrim pranë ofruesit të shërbimeve, të paktën 3 (tre) muaj përpara fillimit të ofrimit të shërbimeve në ekosistem.

Në rastin kur ofruesi është Agjencia Kombëtare e Zonave të Mbrojtura, kërkesa i drejtohet strukturës përgjegjëse për zonat e mbrojtura dhe vlerësohet sipas legjislacionit të posaçëm për zonat e mbrojtura.

3. Në rastin e fondit pyjor privat, kërkesa i drejtohet pronarit privat të pyllit, i cili, në përputhje me rregullat e përcaktuara në këtë vendim, ia përcjell kërkesën me shkrim bashkisë përkatëse brenda kufijve territorialë administrativë të së cilës ndodhet fondi pyjor në pronësi private.

4. Kërkesa shoqërohet me informacionin e nevojshëm, sipas shtojcës 1, që i bashkëlidhet këtij vendimi dhe është pjesë përbërëse e tij.

5. Kërkesa paraqitet në formën e propozimit dhe shoqërohet me një studim, i cili përmban:

a) sipërfaqen (territorin) e fondit pyjor kombëtar të shprehur në metër katror (m^2), me kufij të përcaktuar qartë, si dhe koordinatat gjeografike në përputhje me standartin kombëtar;

b) përdorimin e tokës në sipërfaqen e fondit pyjor kombëtar të njehsuar (m^2), ekonominë pyjore, numrin e parcelës, kufizimet natyrore dhe koordinatat, etj.;

c) treguesit identifikues (kadastral) të ngastrave e nënngastrave;

ç) treguesit tekniko-ekonomik;

d) treguesit tekniko-ekonomik për kullotat e livadhet;

dh) sipas rastit, studime të detajuara mbi erozionin, ndërtimin e modelit hidrologjik, në rast se ka.

e) aktin e miratimit të planit të mbarështimit për sipërfaqen që preket nga ofrimi i shërbimit

6. Për vlerësimin dhe miratimin e kërkesës për ofrimin e shërbimeve në ekosistem nga Bashkia nëpërmjet strukturës përgjegjëse për pyjet në bashki (në vijim SPPB), zbatohen rregullat si më poshtë:

a) SPPB-ja, brenda 5 (pesë) ditëve nga data e administrimit të kërkesës, shqyrton kërkesën dhe dokumentacionin e paraqitur dhe vlerëson nëse janë në përputhje me parashikimet e planit të mbarështimit dhe të legjislacionit në fuqi për pyjet.

b) Në rast se konstaton se kërkesa e paraqitur nga përfituesi, nuk përmban informacionin sipas përcaktimeve të pikës 5, të këtij kreu, brenda 5 (pesë) ditëve nga data e administrimit të kërkesës, njofton subjektin përfitues për plotësimin e dokumentacionit apo të pasaktësive, brenda një afati prej 10 (dhjetë) ditë. Mosplotësimi i dokumentacionit të kërkuar brenda këtij afati, përbën shkak për mospranimin e kërkesës, e cila në këtë rast quhet se nuk është regjistruar. Kërkuesi njoftohet për arsyet e mosprimit dhe kërkesa i kthehet bashkë me aktet e tjera.”

c) Në rast se dokumentacioni i paraqitur nga subjekti përfitues është në përputhje me parashikimet e këtij kreu, SPPB-ja vlerëson dokumentacion dhe brenda 10 ditëve nga data e regjistrimit të kërkesës apo nga data e plotësimit të dokumentacionit sipas shkronjës “b”, i propozon Kryetarit të bashkisë përkatëse miratimin në parim të kërkesës.

ç) Kur Kryetari i bashkisë shpreh paraprakisht dakordësinë, studimi i përcillet AKP-së, e cila brenda 10 ditëve i përgjigjet bashkisë me aktin e miratimit, ose e kthen projektin me propozime konkrete për saktësime dhe plotësime.

d) Në rastin e kthimit të studimit, SPPB-ja ia përcjell menjëherë studimin për plotësimet e nevojshme kërkuarit, i cili brenda 10 ditëve e rregullon dhe plotëson atë dhe e përcjell në Bashki.

dh) SPPB me marrjen e studimit të saktësuar e përcjell për miratim tek AKP, e cila brenda 10 ditëve i përgjigjet bashkisë me aktin e miratimit.

e) Pas miratimit të AKP, kryetari i bashkisë ose personi i autorizuar prej tij nënshkruan me subjektin përfitues kontratën me shkrim për ofrimin e shërbimeve në ekosistem.

7. Për fondin pyjor privat, kërkesa dhe studimi shqyrtohen e miratohen nga SPPB dhe pas këtij miratimi, pronari privat lidh marrëveshjen me përfituesin e shërbimit. Njëkohësisht SPPB njofton AKP-në për miratimin e kërkesës dhe studimin përkatës.

III. RREGULLAT PËR KOMPENSIMIN DHE PAGESAT NGA SHFRYTËZIMI I SHËRBIMEVE TË EKOSISTEMIT PYJOR

1. Përfituesi i shërbimit, për të cilin është miratuar kryerja e shërbimeve në ekosistem, kompenzon ose kryen pagesat përkatëse ndaj ofruesit të shërbimit sipas përcaktimeve në marrëveshjen midis tyre.

2. Ofruesi i shërbimit, kompensohet për shërbimet në ekosistem nga përfituesi, përmes kryerjes së veprimtarive të nevojshme për shfrytëzimin e shërbimeve të ekosistemit në pronësi të tij, që përfshin rehabilitimin e ekosistemit pyjor, mbrojtjen, përmirësimin dhe rigjenerimin e sipërfaqes pyjore, ose kompensohet në terma financiar nga përfituesi, për fitimin e munguar për ofruesin e shërbimit, si rezultat i mosshfrytëzimit dhe mospërdorimit të sipërfaqes pyjore ku do të ofrohen shërbimet në ekosistem.

3. Në rast se përfituesi nuk kryen kompesimin sipas pikës 2 të këtij kreu, kryen pagesën tek ofruesi i shërbimit, ku përfshihet pagesa për shpenzimet e mëposhtme:

- a) shpenzimet për investimet e kryera për pyllëzimin (ripyllëzimin);
- b) shpenzimet për kryerjen e projekteve tekniko-ekonomike të ndërhyrjeve;
- c) shpenzimet e kryera për mbrojtjen e tokës;
- ç) shpenzimet për ndërtimin e infrastrukturës përkatëse;
- d) vlerën e burimeve natyrore pyjore e jopyjore bashkëshoqëruese (flora spontane (BMET), fauna e egër, kullota, lënda drusore, etj.).

e) kostot e vazhdueshme për menaxhimin dhe monitorimin, kryerjen e shërbimeve kulturele në ekosistem, në përputhje me parashikimet e kontratës së nënshkruar mes palëve, sipas përcaktimeve të pikës 7, të kreut II të këtij vendimi;

f) shpenzimet për kryerjen në mënyrë periodike të veprimtarive të nevojshme, për ofrimin e shërbimeve në ekosistem, sipas parashikimeve të këtij vendimi;

5. Kompesimi, pagesat, vlera, sasia dhe periodiciteti i kryerjes së tyre, përcaktohen në modalitetet e përshkruara në marrëveshjen dypalëshe të lidhur midis ofruesit të shërbimit dhe përfituesit të shërbimit.

6. Kompesimi apo pagesa totale që përfituesi i shërbimit i paguan ofruesit të shërbimit, është në përputhje me studimin tekniko-ekonomik, si për rastin kur ofruesi i shërbimit është bashkia apo pronari privat.

IV. DISPOZITA TË FUNDIT

1. Ngarkohen Ministria e Turizmit dhe Mjedisit, Agjencia Kombëtare e Zonave të Mbrojtura, Agjencia Kombëtare e Pyjeve dhe bashkitë për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTËR
Edi Rama

SHTOJCA NR. 1
FORMULARI I KËRKESËS

KËRKESË
PËR PËRFITIMIN E SHËRBIMEVE TË EKOSISTEMIT PYJOR

Kryetarit të Bashkisë _____, strukturës përgjegjëse për pyjet në Bashki (SPPB) / ose Pronarit privat të sipërfaqes pyjore _____

Subjekti/Enti _____ (përfituesi i shërbimit) i përfaqësuar nga _____, me ID _____, i datëlindjes me adresë _____, Nr. telefoni _____, kërkoj të përfitoj nga shërbimet e ekosistemit pyjor, pjesë e ekonomisë pyjore _____, në vendin e quajtur _____ me numër ngastrash _____ dhe sipërfaqe _____, kufizimet natyrore _____ dhe koordinatat _____, në përputhje me Planin e Mbarështimit, të miratuar në _____, me këto specifikime:

a) mundësinë për të përfituar nga shërbimet e ekosistemit të mësipërm për:

b) kryerjen e veprimtarive që propozohen të kryhen në sipërfaqen e ekosistemit pyjor:

- kryerjen e pyllëzimeve _____ ha
- ruajtjen e sipërfaqes pyjore _____ ha

c) afatin kohor të planifikuar për të përfituar nga shërbimet e ekosistemit _____ vite.

Dokumenta bashkëlidhur:

Kopje të shkresës së miratimit të planit të mbarështimit

Projektet tekniko-ekonomike të ndërhyrjeve që parashikohen të kryhen të hartuara nga specialistë pyjesh të licensuar për veprimtaritë që do të kryhen në fondin pyjor të kërkuar për përfitim nga shërbimet e ekosistemit;

Harta e shkallës 1:25000 të ngastrës ose nënngastrës, kur është fond pyjor publik, si dhe vërtetim për pronësinë nga institucionet përgjegjëse, kur është fond pyjor në pronësi private;

Studime të detajuara mbi erozionin, ndërtimin e modelit hidrologjik, të miratuara, në rast se ka.

Kërkuesi

Datë

Firma